

DISGRIFIAD SWYDD A MANYLEB YR UNIGOLYN CYDYMAITH GWEITHDAI – RHAGLEN ALLGYMORTH YSGOLION ‘BALLOON GIRL’

TEITL Y SWYDD:	Cydymaith Gweithdai
PROSIECT:	<i>Balloon Girl</i> / <i>Arddangosfa Fawr Caerdydd 2026</i>
NIFER Y DYDDIAU:	6
FFI:	£175 y dydd
DYDDIAD DECHRAU:	I’w gadarnhau



TROSOLWG:

Yn 2026 rydyn ni’n nodi 130 mlynedd ers i Gaerdydd gynnal **Arddangosfa Celfyddyd Gain a Diwydiannol 1896**, arddangosfa ryfeddol, ond sydd wedi’i hanghio i raddau helaeth, a dathliad mawreddog o arloesedd Fictoraidd a ddenodd dros filiwn o ymwelwyr. Gan ddwyn ysbrydoliaeth o’r digwyddiad hanesyddol yma, mae **Rhaglen Ysgolion Arddangosfa Fawr Caerdydd 2026** yn gwahodd pobl ifanc i ailddarganfod pennod anghofiedig o stori eu dinas, dychmygu dyfodol newydd beiddgar a rhannu eu gweledigaeth drwy gelf, gwaith adrodd straeon a thechnoleg greadigol.

Wrth wraidd y prosiect mae *Balloon Girl*, cynhyrchiad theatrig newydd gan **Hannah McPake** (Tilting at Windmills Productions), mewn partneriaeth â **Theatr y Sherman**. Bydd y cynhyrchiad yn gweithredu fel catalydd creadigol ar gyfer cynllun uchelgeisiol, gan ennyn diddordeb pobl ifanc yn ystod y cyfnod pontio o’r ysgol gynradd i’r ysgol uwchradd—mewn taith chwareus a dychmygus drwy hanes Caerdydd, ei phresennol a’i dyfodol posib. Bydd yn adlewyrchu’r ymdeimlad o drawsnewid a chyfle oedd yn ganolog i Arddangosfa Caerdydd 1896.

Drwy gyfuno hanes ymdrochol gyda’r dyfodol dychmygus, bydd y prosiect yn grymuso disgyblion i ddod yn **adroddwyr straeon**, yn **arloeswyr** ac yn **warcheidwaid treftadaeth Caerdydd**.

Gwnaed Rhaglen Allgymorth Ysgolion ‘Balloon Girl’ yn bosibl gan Gronfa Treftadaeth Loteri Genedlaethol.

PRIF DDIBENION Y SWYDD:

Bydd y Cydymaith Gweithdai yn gweithio gyda’r tîm creadigol craidd, *Theatr y Sherman* a’r Prif Hwylusydd i ddarparu gweithgareddau mewn ysgolion, wedi’u teilwra’n benodol ar gyfer disgyblion ym Mlwyddyn 6 a Blwyddyn 7. Byddan nhw’n meithrin ymdeimlad o gyffro a chwilfrydedd yn y dysgwyr ac yn eu grymuso i archwilio’r gorffennol, i wneud cysylltiadau â’r presennol ac i dychmygu’r dyfodol gan ddefnyddio strategaethau ac offer digidol ac yn y byd go iawn.

Bydd yr oriau gwaith yn hyblyg gyda chyfarfodydd, digwyddiadau a gweithdai yn cael eu trefnu yn ôl yr angen.

MANYLEB YR UNIGOLYN: CYDYMAITH GWEITHDAI – RHAGLEN ALLGYMORTH YSGOLION ‘BALLOON GIRL’

HANFODOL

- Profiad o weithio gyda phobl ifanc 10 i 12 oed mewn amrywiaeth o leoliadau
- Profiad o ddarparu gweithdai a phrosiectau celfyddydol
- Y gallu i ysbrydoli pobl ifanc drwy ymagwedd greadigol at ddysgu
- Diddordeb yn hanes Caerdydd ac effaith arloesi
- Sgiliau technoleg gwybodaeth da ac ymwybyddiaeth o botensial gofodau sydd wedi'u curadu'n ddigidol
- Ymagwedd hyderus o ran cysylltu â rhanddeiliaid mewnol ac allanol a gweithio mewn partneriaeth
- Y gallu i weithio fel rhan o dîm ac yn annibynnol
- Ymrwymiad i gyfle cyfartal ac amrywiaeth ddiwylliannol

DYMUNDOL

- Y gallu i weithio drwy gyfrwng y Gymraeg a'r Saesneg
- Profiad o weithio yng nghyd-destun theatr

I WNEUD CAIS:

Os hoffech gael eich ystyried ar gyfer y cyfle yma, anfonwch e-bost at francesca.pickard@shermantheatre.co.uk gan egluro pam mae gennych ddiddordeb yn y swydd a sut y byddai eich profiad yn berthnasol i'r prosiect.

Dyddiad Cau: 5yh, Dydd Gwener 17 Ebrill 2026

Gallwch hefyd ddefnyddio'r cyfeiriad yma os oes gennych gwestiynau, neu os hoffech siarad â rhywun yn anffurfiol am y swydd.

Rydyn ni am i'n tîm adlewyrchu'r cymunedau rydyn ni'n eu gwasanaethu ledled y de-ddwyrain. Felly, rydyn ni'n estyn croeso arbennig i ymgeiswyr o gymunedau ethnig amrywiol a chymunedau B/byddar ac anabl sydd heb gynrychiolaeth ddigonol yn y sector ar hyn o bryd.

Noder, yn unol â'n polisi amgylcheddol, mai dim ond ceisiadau electronig y byddwn yn ymdrin â nhw.